



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 182. Philippi III. Hispaniarum Regis renuntiatio, ejusque approbatio a Mathia Cæsare, & Ferdinando facta.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII.
A. C. 1617.

§. CLXXXII.

Philippi III. Hispaniarum Regis renuntiatio, ejusque approbatio a Mathia Cæsare, & Ferdinando facta.

Joan. Bapt. Nani l. c.
Wolfg. Jæger Hist. Eccl. l. 7. c. 6.
Khevenhill. tom. 8. pag. 1100.
du Mont. t. V. Part. II. pag. 298.
Ferras Hist. Hisp. tom. II. p. 246.
Calmet. hist. univ. l. 150. n. 20.

Cum autem necessarius quoque esset consensus Philippi III. Hispaniarum Regis, eo quod ex Anna Maximiliani II. Cæsaris Filia prognatus, jus in Provincias Germanicæ hæreditarias haberet, hinc conventum erat inter Ferdinandum, & Comitem Ognatum Hispanum tunc in Aula Cæsarea Legatum, ut Philippus juri suo quidem cederet, hæ tamen Provinciæ ad Hispaniam redirent, si deficeret Ferdinando proles mascula. Quapropter idem Legatus Regis sui jussu ac nomine diploma præfatæ cessionis die sexta Junij obtulit, cujus summa hæc est: „Cum Sacra „Cæsarea Majestas pro paterno suo in „Religionem Catholicam & Domum „Austriacam amore, se adhuc superstite, de futura successione Regnorum „Hungariæ, & Bohemiæ, & Provinciarum ad ea pertinentium prospicere „voluerit, atque hunc in finem Hispaniæ Regem induxerit ad ratam habendam renuntiationem per ejus Matrem

An-

„Annam die 29. Aprilis anno 1571. in Sæc. XVII.
 „favorem descendantium Masculorum A. C. 1617.
 „Imp. Ferdinandi glor. mem. factam, ~~CONFIRMATA~~
 „necnon ad cedendum juri, quod in
 „præfata Regna ipsi tanquam unico An-
 „næ Hungariæ, & Bohemiæ Reginae,
 „& Maximiliani Imp. Pronepoti compe-
 „tit, in favorem Archiducis Ferdinan-
 „di. Hinc nomine Regis, ipsiusque
 „Filiorum approbo, & confirmo præfa-
 „tam renuntiationem a dicta Anna fa-
 „ctam, & cedo omni juri in dicta re-
 „gna &c. in beneficium Archiducis Fer-
 „dinandi, ejusque per lineam rectam
 „masculinam, non interrupta serie le-
 „gitime descendantium masculorum,
 „sub his tamen pactis, ut I. compen-
 „satio, quæ in aliqua ex Provinciis Au-
 „striacis fiat, ad aliam transactionem
 „differatur, ea autem quanto citius fie-
 „ri poterit, instituat: II. quando-
 „cunque linea recta masculina Ferdi-
 „nandi defecerit, dicta regna &c. ad
 „posterios Majestatis Catholicæ per li-
 „neam rectam masculinam legitime des-
 „cendentes devolvantur. III. His præ-
 „missis, Ferdinandus in se recipiat, ut
 „Cæsarea & Regia potestate, hæc pa-
 „cta utrinque confirmentur, adeo, ut
 „etiam contra juratum hoc pactum nul-
 „la Pontificum Romanorum, aut Impe-
 „ratorum dispensatio peti, aut impe-
 „trari

Sæc. XVII. „trari possit, & si quæ impetraretur, vel
 A. C. 1617. „motu proprio concederetur, ea nullius
 „roboris esset.

Eadem die Ferdinandus alio diploma cunctas hæc leges acceptabat, seque eas integra fide adimpleturum pollicebatur, simulque Cæsaream Majestatem suam rogaturum, ut tam hoc diploma, quam Hispani Regis cessionem confirmaret. Quantum vero ad compensationem utrinque conventum est, quod Ferdinandus Hispanis Alsatiam cederet, licet id nunquam executioni datum fuerit, eoquod timendum esset, ne quidam Imperii Principes tam rei novitate, quam nimia geminæ hujus Monarchiæ potentia commoverentur. Postea Mathias Imperator Pragæ die decima quinta Junii pacta hæc non modo suo patrocínio promovebat, sed etiam Cæsarea pariter, atque Regia auctoritate confirmabat. His solemnibus pompis peractis Cæsar die vigesima prima Julii Ottomanici Imperatoris Legatum excipiebat, ac demum decimo post die unacum Ferdinando Rege & Maximiliano Archiduce Dresdam profectus, Saxonix Electorem visum ibat, ubi inter Julium Comitem de Justi Etruriæ Ducis Oratorem, & Comitis Ognati Filium exorta in Templo contentio de Sedis prærogativa,
 eous-

eousque invaluit, ut Julius graviter Sæc. XVII.
vulneratus, paulopost occubuerit, al- A. C. 1617.
ter vero itidem saucius e Templo in
custodiam abductus fuerit. Denique
Ferdinandus Rex Dresda redux die vi-
gesima sexta Octobris peracto feliciter
itinere domum reversus est, a Græcien-
sibus perhonorifice exceptus.

§. CLXXXIII.

*Protestantium Principum conventus
Heilbronæ habitus.*

Quamvis Ferdinandi electio omnibus *Merc. Gal-*
Catholicis Principibus pergrata *lob. tom. II.*
fuisset, atque ex ipsis Bohemiæ Stati- *l. 4.*
bus, quos *sub utraque* appellant, non- *Jæger hist.*
nisi paucissimi primo refragantes, pau- *Eccl. l. 7. c. 1.*
lopust eandem suo quoque suffragio aut *Annal. Boic.*
saltem silentio approbassent, soli tamen *tom. 3. p. 3.*
Principes, Statusque *Correspondentes*
huic Ferdinandeæ adoptioni non alia ex
caussa refragabantur, nisi quod *Ferdi-*
nandum Catholicis noissent nimis esse addi-
ctum. Eapropter, quid factu opus esset,
deliberaturi, denuo Heilbrunæ conven- *Carafa*
tum agebant, in quo superiorum tem- *Comm. de*
porum foedera contra Cæsarem, & Ca- *Germ. Sacr.*
tholicos inita confirmarunt, novaque *Rest. p. 54.*
cum exteris præcipue Hollandis inie-
runt, ac ipsemet Fridericus Palatinus
Electo non semel Galliae & Angliæ Re-
Hist. Eccles. Tom. LV. T t ges